

JOEL

(Yoé)

Munügü rü Iraétanüxüarü nanetü nangõxgü

1 ¹Ñaa nixí ga Cori ya Tupanaarü ore ga Petué nane ga Yoémaxã nüxü yaxuxü: ²⁻⁴“Guxüma ga perü nanetügü rü munü pexü nanangõx. Rü yema íyaxüxëëgüxü rü togü ga munü nanangõxgü. Rü dücax, Pa Yaxguãxgü rü Guxãma i Pemax i Ñaa Nachixüanecüãxgüx, rü pexna chaca ¿rü ñuxgu nüxü pedauxü ga wüxi ga chixexü ga ñaarüxü ixixü? Rü nüxcüma ga penatügü rü taguma nüxü tadau i ngëma ñuxma pexü ngupetüxü. Rü ngëmacax name i pexacügümaxã nüxü pixu i ngëma ñuxma pexü ngupetüxü, rü nümagü rü tá naxacügümaxã nüxü nixugügü, rü petaagü rü naxacügümaxã ta nüxü nixugügü. ⁵Pa Ngãxëwaxexüx írü pebajixãchie! iPexauxe, Pa Bínuarü Axruügüx! Erü ngëma úbatüxü rü tá pexna nanayauxgü. ⁶Erü ngëma munügü rü ñoma muxüchixü i churaragü i poraexüxüxü chauchixüanegu nachocu. Rü napütagü rü ñoma ai ya leóüputarüxü nixigü. ⁷Rü ngëma munügü rü tórü úbanecügu rü

tórü iguéranecügu nawagüe rü nayangeatüxëxë rü ngëmaäcü nachoxtanümare i nachacüxü. ⁸⁻⁹Rü chacherdótegü rü naxauxe ñoma wüxi i paxü iyutëxü i natecax axuxüxüxü erü Tupanapatawa rü marü nataxuma i nawemügü rü bínu nax ngëma Tupanana naxãmaregüxüx. ¹⁰Rü ngëma naanegü rü nachianemare rü waixümügü rü nipagümare. Rü ngëma trígugü rü nayue rü ngëma úbanecü rü nipagü rü ngëma orfbunecü rü narüñëxgü. ¹¹Rü pemax nax naanewa pepuracüxü rü penatoxü ga úbagü rü trígugü rü chebádagü rü poraäcü pengechaügüäcüma pexauxe. Yerü yema trígu rü chebáda ga petogüxü rü pexü nayue, rü yemacax taxuxüma pibuxgü. ¹²Rü perü úbanecü rü nipagü rü yexma narüxo ga perü iguéragü. Rü nipagü ga perü orixgü ga boxragü, rü cucugü, rü mansánagü rü guxüma ga perü nanetügü ga peanewa yexmagüxü. Rü yemaacü nüxü inayarütaxu ga norü taãxë ga guxüma ga duüxügü. ¹³Rü pemax, Pa Chacherdótegü i Tupanaarü Æmarearü Guchicaxümaxã Icuaxgüxex, rü name nixí i naxchiru i témüxügü

picuxgü, rü pexauxe erü yima
 Tupanapatawa rü marü nataxuma i
 trígu rü bínu i Perú ãmareruxü ixixü.
¹⁴iRü naxcax pengema i duüxügü nax
 aureäcuma nayumüxëgüxcax! iRü Cori
 ya Tupanapatagu penangutaquexexë i
 Perú äëxgacügü i yaxguãxgü, rü
 guxüma i duüxügü i ñaa
 nachixüanecüãxgü! iRü ngëma Perú
 yumüxëwa Tupanana peca nax pexü
 nangüxëëxüxcax! ¹⁵Erü marü ningaica i
 Tupanaarü poxcu. Rü ngëma ngunexü
 rü poraäcü tá naxäcuma erü yimá
 Guxäëtüwa Ngëxmacü rü tá taxü i
 poxcu taxcax ínanguxëë. ¹⁶Rü yema
 munügü rü tapëxewatama tüxna nanapu
 ga tawemü rü yemaacü inarüxo ga
 Tupanapatawa nax itaãxëgüxü. ¹⁷Rü
 guma nanetüchire rü nayue ga yema
 ínatogüxüwa, rü yema trígu rü
 inayarüxo rü guma ípatagü ga nanetü
 nagu gücune rü marü ningeäcu rü
 nichixe.”

.....

**Nüma ya Cori ya Tupana rü nüxü
 nangechaütümüxü i duüxügü**

2 ¹¹Rü nüma ya Cori ya Tupana rü
 napexegu nixü i ngëma munügü i
 ñoma muxüchixü i churaragürüxü ixixü.
 Rü nüma ya Tupana rü tagaäcü nanamu
 i ngëma munügü, rü nüma rü naga
 naxínüe. Rü ngëma nax namuxüchixü rü
 taxucürüwama texé tayaxugü. Rü
 poraäcü naxäcuma i ñaa ngunexü i
 nagu Tupana tüxü poxcuexü rü taxüema
 tapora nax ítayachaxächixëëxü.
¹²Natürü nüma ya Cori ya Tupana rü
 ñanagürü: “iGuxüma i Perú
 ngüchaümaxã chaüxcax pewoegu

ñomarüta pexü íchananguxëë! iRü
 chaüxcax pexaureegü rü pegümaxã
 pengechaxügü rü pexauxe!” ñanagürü.
¹³Rü ngëmacax i ñuxma rü name nixü i
 naxcax pewoegu ya Cori ya Tupana.
 Natürü tama nanaxwaxe i pegüchirugu
 pegágüë nax ngëmaäcü penewëxü i
 Perú ngechaü erü ngëma nüma
 nanaxwaxëxü nixü nax penaxüchicüüxü
 i Perú maxü. Erü nüma ya Cori ya
 Tupana rü namecuma rü nüxü
 pengechaütümüxü, rü yaxna pemaxã
 naxínü, erü pexü nangechaü. Rü nüma
 rü ínamemare nax íyachaxächixëëãxü i
 ngëma poxcu i pemaxã naxueguxü. ¹⁴Rü
 ngëxguma chi aixcuma naxcax
 pewoeguxgux rü bexmana tá
 ínayachaxächi nax pexü napoxcuexü, rü
 tá pexü narüngüxëë nax wena
 naxügüxcax i Perú trígu rü úbagü nax
 ngëmamaxã nüxü picuaxüügüxcax.
¹⁵Rü pemax, Pa Chacherdótegüx irü
 yima maxpüne ya Tupanapata nawa
 ngexmanewa peyacu ya Perú cornéta
 rü naxcax peca i duüxügü! iRü
 penaxunagü nax aureäcuma
 nayumüxëgüxcax! ¹⁶iRü
 penangutaquexexë i ngëma
 Tupanaarü duüxügü, Pa
 Chacherdótegüx, nax Tupanapëxewa
 peyamexëëgüxcax i yaxügü, rü buxügü
 rü woo i ngëma buxügü i maixü! iRü
 ngëxgumarüxü ta i ngëma ngexwacax
 ingügüxü, rü norü ucapuwa
 ípenachoxüxëë! ¹⁷iRü pexauxe, Pa
 Chacherdótegüx i Tupanaarü
 Puracümaxã Icuaxgüxex, rü ñamarearü
 guchicaxüpëxewa ñapegü i Perú
 yumüxëwa: “Nüxü nangechaxü i ñaa
 curü duüxügü, Pa Torü Corix ya

Tupanax! iRü taxú i cunangexrúxũ nax taxúema nüxũ cugüexũcax! iRü taxú i cunangexrúxũ nax togü i nachixũanecũãxgũ namaxã icuáxũcax! iRü taxú i cunangexrúxũ i ngẽma tama yaxõgũxũ nax curü duũxũgũxũ nacugüexũ ñaxũmaxã: ‘¿Ngexcü ya yimá perü Tupana?’ ñaxũmaxã!” ¹⁸Rü ñuxũchi ga nũma ga Cori ya Tupana rü nüxũ nangechaũtümũxũgũ yerü poraãcü nüxũ nangechaũ. ¹⁹Rü nũma rü ñanagürü nüxũ: “Rü tá pexna chanaxã i trígu rü bínu rü chíxũ ñuxmatáta mea pexũ yangu. Rü marü taxũtáma wena pexũ changexrü nax pexũ nacugüexũcax i ngẽma togü i nachixũanecũãxgũ i tama choxũ cuãxgũxũ. ²⁰Rü tá pexna chayaxĩgachixẽxẽ i ngẽma munügü ga nórtewaama ne ìxũ, rü tá ngextá ínachianexũwa chanamugü. Rü ngẽma napexegu ìxũ rü nataxa i ngearü maxũáxũwa tá chanawoũ. Rü ngẽma wixweama ügũxũ rü már i Mediteráneuwa tá chanawoũ. Rü ngẽxma tá niyixe rü tá ngẽma nayixanegü. Rü ngẽmaãcü tá poraãcü pexũ charüngũxẽẽ”, ñanagürü ga Cori ya Tupana. ²¹Rü ngẽmacax, Pa Duũxũgũ rü Guxũma i Taxacü i Ñoma i Naanewa Maxẽxũ, irü petaãxẽgũ rü taxú i pemuẽxũ! Erü nũma ya Cori ya Tupana rü taxũ i mexũgũ tá pexcax naxũ. ²²iRü taxú i pemuẽxũ Pa Naexũgũ! Erü ngẽma pebüchitaxũ rü tá wena narũxũgũ rü nabaca. Rü ngẽma nanetügü i orĩxgũ rü tá nixo. Rü tá namuxũchi i iguéragü rü úbagü. ²³iRü petaãxẽgũ, Pa Yerucharéũcũãxgũ! iRü namaxã petaãxẽgũ ya Cori ya Tupana! Yerü pexcax nanapuxẽxẽ ga yexguma

meama nawa nanguxgu nax mucüçax napuxẽẽãxũ rü taunecüçax napuxẽẽãxũ yema noxri mea napuxẽẽãxgürũxũ. ²⁴Rü ngẽmaãcü tá mea pexũ nixo i trígu rü poraãcü tá nata ya perü bínu rü chíxũ. ²⁵Rü nũma ya Cori ya Tupana rü ñanagürü pexũ: “Choma rü tá pexũ chanatáeguxẽxẽ ga yema penetügü ga ñuxre ga taunecü pexũ nax nangõõxũ ga yema munügü ga yẽma chamugũxũ. ²⁶Rü ñuxma rü tá meatáma pechibüe i pemax ñuxmatáta mea pengãxpütüwegü. Rü choxũ tá picuãxũxũgũ naxcax ga yema taxũ ga mexũ ga pexcax chaxũxũ. Rü tagutáma wena texé pexũ taxãneexẽxẽ Pa Chorü Duũxũgũx. ²⁷Rü pemax, Pa Iraétanũxũgũx, rü tá nüxũ picuãxãchitanü nax choma ya Cori rü aixcũma petanũwa changexmaxũ rü chaxicatama yixĩxũ i perü Tupana chixĩxũ. Rü tagutáma wena texé pexũ taxãneexẽxẽ, Pa Chorü Duũxũgũx.

**Tupana rü ñoma i naanewa tá
nanamu i Naãxẽ i Üünexũ**

²⁸Rü ñaawena rü tá guxũma i duũxũgũcax nũma chanamu i Chauãxẽ. Rü ngẽma penegü rü pexacügü rü tá chorü orexũ nixugüe. Rü ngẽma yaxũ i duũxũgũ rü tá nixãnegügü. Rü ngẽma ngextũxũxũgũ rü tá nüxũ nadaugü i ãxũgũxũ i taguma texé nüxũ dauxũ. ²⁹Rü woo i perü puracũtanũxũ rü pexũtaxũgũ rü tá nüxna chananguxẽxẽ i Chauãxẽ i Üünexũ i ngẽma ngunexũgũgu. ³⁰Rü daxũwa rü tá chanangoxẽxẽ i taxacü i taguma texé nüxũ dauxũ. Rü ñoma i naanewa rü tá poraãcü nagü inaba, rü tá nixa ya

ñanegü rü taxũ i caxixũ tá
 naxĩnagüema. ³¹Rü yima üaxcü rü tá
 nixo rü yima tauemacü rü ñoma
 nagürũxũ tá naduema naxũpa i ngẽma
 ngunexũ i nagu tá ñanguxũ i chorü
 poxcu i ñoma i naanewa. Rü ngẽma
 ngunexũ rü tá poraãcü naxãücüma.”
³²Natürü guxãma ya texé ya aixcüma
 chauga ññuxe rü taxütáma tapoxcue.

Erü yima maxpúne ya Chióũ ya
 Yerucharéũ nawa ngexmanewa tá
 nangox ya yimá Maxẽẽẽruxũ yema
 choma ya Cori ya Tupana pemaxã
 ichaxunetaxürũxũ. Rü yíxema choma
 tũxũ chidexechixe rü taxütáma
 tapoxcue”, ñanagürü ya Cori ya
 Tupana.
